

BOSNA I HERCEGOVINA FEDERACIJA
A BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
Privredni savjet Grada Zavidovići
Broj: 02-04-965/24-AP-5
Datum: 13.05.2024. godine



Na osnovu člana 13. Poslovnika o radu Privrednog savjeta Općine Zavidovići, broj: 02-05-1818/17 -AP-12 od 30.06.2017. godine i broj: 02-04-29/21-AP-25 od 27.04.2021. god., na 1. sjednici Privrednog savjeta Grada Zavidovići, koja je održana 22.04.2024. godine u Velikoj sali zgrade Grada Zavidovići sa početkom u 14:00 sati, sastavljam

ZAPISNIK

Na sjednici Privrednog savjeta prisutni su: Sabahudin Horozović, Alen Muharemović, Mirela Bašić, Hašim Mujanović, Admir Bajraktarević, Asim Faljić, Alen Jusupović, Enesa Bukvić, Remzo Sinanović i Mustafa Hasaković.

Ostali: Amer Halilović, Zeaz Begović, Suad Omerašević, Amir Mahmutović i Ibro Hadžić.

Na sjednici Privrednog savjeta nisu prisutni: Džeraldina Miličević, Ajdin Polić, Haris Mujanović, Ermin Begović, Amir Omerašević, Slađan Ilić, Emir Okanović.

Zašpisnik vodila tehnički sekretar: Merima Bašić.

Konstatuje se da je na sjednici prisutno 10 članova Privrednog savjeta od ukupno 18 članova.

Konstatuje se da je prisutan potreban broj članova Privrednog savjeta da bi se moglo punovažno raspravljati i odlučivati, kako je propisano članom 7. Poslovnika o radu Privrednog savjeta.

Predsjednik Privrednog savjeta Hašim Mujanović predlaže sljedeći dnevni red:

- 1) Status zaključaka donesenih na sjednicama Privrednog savjeta Grada Zavidovići,
- 2) Prijedlog Odluke o usvajanju Cjenovnika komunalnih usluga i načinu plaćanja komunalnih usluga Javnom komunalnom preduzeću „Radnik“ d.o.o. Zavidovići, sa Prijedlogom Cjenovnika komunalnih usluga i načinu plaćanja komunalnih usluga Javnom komunalnom preduzeću „Radnik“ d.o.o. Zavidovići sa Izvještajem o provedenoj javnoj raspravi, (izvjestilac direktor JKP Radnik Amer Halilović, predsjednik Skupštine Suad Omerašević, predsjednik Nadzornog odbora Zeaz Begović, Amir Mahmutović viši stručni saradnik za ruralni razvoj),
- 3) Program utroška sredstava sa „Transfera za razvoj poljoprivrede“ (izvjestilac Ibro Hadžić, viši stručni saradnik za poljoprivredu),
- 4) Najava aktivnosti izrade Programa poticaja za 2024. godinu (izvjestilac Merima Bašić, državni službenik),
- 5) Razno.

Dnevni red se stavlja na diskusiju i pozivaju se članovi Privrednog savjeta da predlože izmjene ili dopune predloženog dnevnog reda.

Prijedlog za izmjenu dnevnog reda se usvaja jednoglasno i prelazi se na rad po istom.

Ad.1. Status zaključaka donesenih na sjednicama Privrednog savjeta Grada Zavidovići;

Izvjestilac Merima Bašić iznosi pojašnjenja i dodatne informacije po ovoj tački dnevnog reda.

Predsjednik Privrednog savjeta otvara diskusiju po ovoj tački dnevnog reda.

Diskusije nije bilo.

Zaključak: Prihvata se Status zaključaka donesenih na sjednicama Privrednog savjeta Grada Zavidovići.

Zaključak je usvojen jednoglasno.

Ad.2. Prijedlog Odluke o usvajanju Cjenovnika komunalnih usluga i načinu plaćanja komunalnih usluga Javnom komunalnom preduzeću „Radnik“ d.o.o. Zavidovići, sa Prijedlogom Cjenovnika komunalnih usluga i načinu plaćanja komunalnih usluga Javnom komunalnom preduzeću „Radnik“ d.o.o Zavidovići sa Izvještajem o provedenoj javnoj raspravi;

Izvjestilac Amer Halilović-direktor JKP Radnik d.o.o., predsjednik Skupštine Suad Omerašević i predsjednik Nadzornog odbora Zeaz Begović iznose pojašnjenja i dodatne informacije po ovoj tački dnevnog reda:

Amer Halilović konstatuje: da je kalkulacija cjenovnika komunalnih usluga ista kao na prethodnoj sjednici vijeća, a poslije javne rasprave. Cijena 93 kf po kubiku. 20% voda kanalizacija i grijanje i 10% odvoz otpada, a razlika koja je iskalkulisana ide na teret budžeta. Suad Omerašević konstatuje: u 2021. godini je bio zaključak Privrednog savjeta da se revidiraju cijene komunalnih usluga, a to je bilo prije inflacije, a vijeće se izjasnilo da nema prostora da to učini. Ali od tada, pa do sada su nastupile ozbilje promjene na tržištu, te dio tih obaveza prelazi na budžet grada.

Predsjednik Privrednog savjeta otvara diskusiju po ovoj tački dnevnog reda.

Remzo Sinanović konstatuje da u obrazloženju stoji da se povećaju usluge za 10%? Da li se odnosi na stari cjenovnik?

Suad Omerašević: kalkulacije cijena su donesene, rezultat javne rasprave je da se ograniči povećanje cijene za građane na 20%.

Remzo Sinanović: cijene će biti manje nego ste vi predložili po kalkulacijama?

Suad Omerašević: a drugi dio će biti preuzet na budžet.

Remzo Sinanović konstatuje da je za to, da cijene idu po kalkulacijama, jer se i bogati stavljaju u položaj socijale, jer će i oni biti subvencionirani.

Zeaz Begović konstatuje: na kalkulacijama se radilo godinu i više, a ako bi se sada radile nove kalkulacije iste bi bile veće, a izlazak sa novim kalkulacijama od 2023. godine bi bio veliki

udar na građane, privrednike i druge, pa idemo sa ovim cjenovnikom. U slučaju da ne prođe prijedlog izmjena cjenovnika na vijeću, bit će problem u preduzeću i gradu, preduzeće neće moći obavljati svoje poslove, a budžet grada nema toliko novca da to može sufinansirati.

Ukoliko se ne usvoji cjenovnik ili rebalans budžeta bit će problem, sve će stati. Rezerve u preduzeću su iscrpljene do maksimuma. U narednoj godini bi trebalo ponovo revidirati cijene i da se to dovede u normalu. Kubik vode treba da sa 70kf bude 95kf po kubiku. Nije logično da ista cijena bude i drugim ustanovama i privrednicima i da se isto sufinansiraju iz budžeta. Cca 750 hiljada je razlika koja je prošle godine namirena iz budžeta.

Amer Halilović konstatuje da je povećanje grijanja na 53%, MUP-u i sud-u i drugim privrednicima sufinansirano iz budžeta grada.

Alen Muharemović: koja je razlika za plaćanje za građane i privrednike?

Amer Halilović: nemamo sad spremno u materijalima, ali se mogu dostaviti informacije.

Alen Muharemović: kada se radi projekcija cijena, da li se radi istraživanje tržišta, poređenje sa drugim gradovima.

Amer Halilović konstatuje da se samo u Zavidovićima i Maglaju nije korigovala cijena; Tešanje sa 80kf, sada ima cijenu malo više od 1KM; Visoko 1.40 KM voda. Žepče vozi otpad u Doboj i njima je upola cijena nego naš odvoz na Mošćanicu, a cijena im je 3KM, a kod nas 2,80KM.

Hašim Mujanović: šta se to može desiti sa preduzećem ukoliko se ne donese cjenovnik i ne bude bilo sredstava za sufinansiranje; stečaj preduzeća ili?

Zeaz Begović: pokrenut će se tužbe od povjerilaca, banaka, uposlenika; ukoliko račun bude blokiran duže od 30 dana podrazumijeva se stečaj; a te usluge nam mora neko pružati i plaćati će se cijene možda i veće.

Remzo Sinanović konstatuje da vijeće vodi socijalnu politiku i da su bili dužni da usvoje cjenovnik.

Mustafa Hasaković navodi da je situacija teška. Koordinacija između privrednika i komunalnog preduzeća se može napraviti. Nisam za subvenciju iz budžeta grada.

Alen Jusupović navodi da daje podršku revidiranom cjenovniku usluga. Iduće godine će se ponoviti isti scenario, jer cijene se povećaju. Koji je iznos sufinansiranja iz Bužeta za prethodnu godinu?

Amer Halilović: oko 700hiljada.

Zeaz Begović: ako bi radili nove cijene, bio bi duplo veći iznos.

Alen Jusupović navodi da nećemo riješiti problem; i da nema dugoročnog rješenja problema; mora se dignuti na viši nivo. Možda treba dovesti kriznog menadžera?

Amer Halilović navodi da nova kalkulacija pokazuje 919 hiljada; nezadovoljan sam i projektom nabavke kanti i razdvajanja otpada; treba kupiti novu mehanizaciju.

Enesa Bukvić navodi da nikada članovi Privrednog savjeta nisu bili protiv povećanja, ono što vam pravi gubitak treba rješavati.

Hašim Mujanović navodi da je ovaj cjenovnik do nove godine, te će se morati ponovo ići na povećanje.

Amer Halilović navodi da je tražio da se grijanje izbacila iz djelatnosti, kotlovi su stari, ali je odlukom određeno da mi obavljamo tu djelatnost. Prihod: 305 hiljada-480 hiljada rashod.

Admir Bajraktarević navodi da u komunalnom dolazi na naplati sve ono od prije 40 godine, amortizacija i sl. Plaćanje računa od stane inkasanta-nije rentabilno. Mora se nešto poduzeti i mora poskupiti usluga.

Zaključak: Prihvata se Prijedlog Odluke o usvajanju Cjenovnika komunalnih usluga i načinu plaćanja komunalnih usluga Javnom komunalnom preduzeću „Radnik“ d.o.o.

Zavidovići, sa Prijedlogom Cjenovnika komunalnih usluga i načinu plaćanja komunalnih usluga Javnom komunalnom preduzeću „Radnik“ d.o.o Zavidovići sa Izvještajem o provedenoj javnoj raspravi.

Zaključak je usvojen jednoglasno.

Ad.3. Program utroška sredstava sa „Transfera za razvoj poljoprivrede;

Izvjestilac viši stručni saradnik za poljoprivredu Ibro Hadžić navodi da i na kantonalnom i federalnom nivou postoje značajni poticaji za poljoprivredne proizvođače, međutim poljoprivrednici se ne prilagođavaju pravilnicima i pravilima viših nivoa. Dalje navodi da su sredstva u gradskom programu poticaja neznatna i da ne mogu zadovoljiti potrebe svih poljoprivrednika.

Predsjednik Privrednog savjeta otvara diskusiju po ovoj tački dnevnog reda.

Hašim Mujanović: navodi da nije zadovoljan sa izdvojenim sredstvima i da je predviđeno više sredsava, međutim u prijedlogu nije usvojeno.

Zaključak: Privredni savjet prihvata Program utroška sredstava sa „Transfera za razvoj poljoprivrede.

Ad.4. Najava aktivnosti izrade Programa poticaja za 2024. godinu;

Izvjestilac stručni saradnik za pravna pitanja i investicije Merima Bašić iznosi pojašnjenja i dodatne informacije po ovoj tački dnevnog reda i navodi:

-program se sastoji od više komponenti, dio sredstava je određen za sufinansiranje programa Impakt sa Investicijskom fondacijom Impakt, dio za projekat Dijaspola invest USAID i treći dio za program redovnih poticaja u privredi.

Dalje navodi da će redovi poticaji u privredi sadržavati i mjeru BIZNIS + za sufinansiranje troškova doprinosa dodatno 6 mjeseci za privrednike koji su ostvarili ista sredstva sa zavoda za zapošljavanje u prethodnom periodu. Navedena mjera je uvedena u skladu sa zaključkom Privrednog savjeta u prošlog godini kao sugestija gradskoj upravu i obrađivaču navedenog akta programa.

Predsjednik privrednog savjeta otvara diskusiju po ovoj tački dnevnog reda.

Sabahudin Horozović navodi da je pohvalno što se uvodi navedena mjera Biznis +, što podrazumijeva da će se privrednici sufinansirati za iznose doprinosa ukupno 18 mjeseci.

Alen Jusupović navodi da je potrebno dostaviti i nacrt akt Programa kada bude izrađen ili da se održi još jedna sjednica prije objave javnog poziva.

Zaključak: Informacija se prima k znanju.

Ad.5. Razno


Predsjednik privrednog savjeta otvara diskusiju po ovoj tački dnevnog reda.

U diskusiji je učestvovao: Alen Jusupović gdje predlaže da se napravi krizna komisija vezano za komunalno preduzeće i da se da neki doprinos.


Hašim Mujanović navodi da krajem godine ističe mandat nadzornog odbora i skupštine i da se prijave.

Sjednica završena u 15:30 sati.

Zapisničar


Merima Bašić

ZAPISNIK OVJERAVA
PREDSJEDNIK PRIVREDNOG SAVJETA


doc.dr. Hašim Mujanović